



秋崖先生小藁卷之八

方岳

巨山

七言絕句

次韻徐宰集珠溪

瀑煮春風生意長
梅花吹雪入詩香
夜寒記得僧房夢
脩竹半窓雲一床

林和靖墓

結廬舊與青山對
脩竹蕭疎半不存
惟有亭前古梅在
暗香踈影幾黃昏

晴夢

塵土侵人懶出門
小窓容我負晴暎
夢騎瘦馬尋



詩去曾到梅花深雪村

逢梅

水僊婉弱山樊冗自我視之兒女曹魯直徑令相
伯仲至今未敢廣離騷
人言草沒孤山冢從此梅花不要詩却是未嫌吾
輩在一枝開過竹巴籬

梅花

竹遶踈籬水遶村一枝無語更黃昏暗香侶識騷
人意月澹無風自入門
枯梢橫出竹踈踈挾雪吹香夢自孤立到夜深難
着語怕渠去說與林逋

雪壓橫枝臥淺波三花五葉不須多平生爲爾牽
詩興今日無詩奈爾何
茆茨煙水隔孤村雪冷誰敲月下門只與梅花曾
有舊暗香時肯到窪尊

尋詩

蹇驢踏雪灞橋春畫出茅茨野水濱總見梅花詩
便好梅花却是定詩人

次韻趙尉梅句

冰雪之晨草木屯南枝亦有未招蒐一愁泥就孤
山骨正恐詩談太不根
踈花不受世間寒得聖之清自可餐今日湖山人

已朽何如茅屋雪中看

雪中

行纏不了醉生涯空宿沙頭賣酒家最是曉寒吟
未穩雪深無面見梅花

次韻李山憲

一船明月秋江冷曾弄梅花有約來誰喚雪溪回
短棹寧孤何遜莫孤梅

閒居無與詔荅曰假庭下三物作桃諷梅
不肯春風時出粧歲寒崖谷倚冰霜人間亦有知
香者盍遣一枝橫出墻

梅謝桃

不欲成蹊春已殘雨紅猶自有人看極知不弄君
同調但守平生一點酸

梅問竹

一壑煙寒孰與娛橫斜影對此君臞風餐雪霽轉
強項唯我與君其是夫

竹荅梅

不隨桃李共爭春猶作踈花向世人聳壑未妨吾
獨步要看晚節玉璘珣

書趙相公梅卷

一梢兩梢曉灘月三花五花暮江雪春風到手眼
生寒煙水村深有茅蕝

次韻訓奚兄

亦笑詩書記姓名到頭為崇若為清漢家禮樂今
塵土不欠當時魯兩生

但得梅花過一冬那須酒聖送文窮揚州不見梅
花面莫是何郎句未工

昭儀春浴

紅薇滴露護輕寒微鬢香絲卸玉鸞只道春風庭
掖祕外間已作畫圖看

貴妃夜遊

鳳鞞又上玉花驄恩在君王一笑中三十六宮瑤
草碧不知多少恨春風

淨明齋

山徑留雲雨未乾松聲長共澗聲寒青又莫踏苔
痕破借與秋厓半日看

次韻菖蒲

瓦盆猶帶澗聲寒亦有詩情几硯間抱石小龍鱗
甲老夜窻雲氣故斑斑

貸錢買牡丹屏

作券西家貸子錢略容書卷識春妍杜陵婦忍長
貧面誇身樵青亦自賢

宿不老山

未必催租能辦詩不妨扶老上煙霏彭僊一去夜

壇冷老鶴不歸雲自飛
借得松風一覺眠旋燒枯葉煮山泉人間蟻蛭王
侯夢不到梅花紙帳邊

得祠

十年夢不到清都雲滿寒簑雪滿顛一片青山一
黃犢底須更著舊稱呼

其二

石床散髮灑松風安用黃冠累此翁但喜太平今
有象漁樵亦在萬機中

汪運幹餉酒

長鬚手挈一壺酒問識浣花工部無簑笠荷鋤煙

鋒
雨外再三不信是耕夫

其二

酒吾甚愛徑須醉快洗平生老瓦盃中有筆峰能
盡我一牛橫笛過孤村

自嘲

耕雨雖微負郭田卧雲抵用買山錢春簑徒犢寧
魚語又寫前街見集賢

被劾

鹿走山林儘自娛寧知性命繫庖厨一盃羨足爲
竒貨野弋山漁何處魚

其二

誰將物命作勤渠黃雀頭行萬里餘每爲世情三
太息不知吾亦是苞苴

報旱

將軍此腹忍饑慣時事乃爾當何如百骸受病憊
甚美微此一豚民其魚

猫歎

雪齒霜毛入畫圖食無魚亦飽於菟床頭鼠輩翻
益益自向花間捕乳雛

次韻程兄投贈

北里南鄰盡往還那知有客住雲間相過肯作鄉
人面問訊春溪兩岸山

知魚燕頷可封侯索米長安亦強留輸身鱗肥
葉滑吳中風味老孤舟

次韻趙尉

世於吾道轉崎嶇是身非耶一子虛借得祁山兩
間屋一間分身月明居

別子才司令

不如意事常八九可與語人無二三自識荆門子
才甫夢馳鐵馬戰城南

簡徐宰

雨外茅茨黃葉村老農相語一燈昏山深未識新
官姓但說無人夜打門

自織春策學治田山寒辛苦不逢年摩挲此腹何時飽黃犢夕陽相對眠

西山有蔽北山薇荷雨鋤煙不療饑但得縣官如卓魯此言只恐未曾知

倍更相傳作縣難及民那有一分寬聞君猶逮後諸老說到民貧鼻亦酸

受誥口號誥詞謂爾岳精習六藝長言詠歌有風人和平之意

歸我南山老不遭孟亭幾夢赭黃袍強渠枉費平生力不直君王一字褒

雪寒月瘦髮成絲緣底天家聖得知從此江山儘

驅使小民奉勅遣吟詩

元英先生家鷓鴣步當文正時其裔孫楷登進士贈之詩云唐家三百年冠蓋誰有詩書到遠孫子家自嚴徙徽而譜系遠矣

曰覽石刻次韻左方

唐人猶有故家存山裏鷓鴣步下村宗泐儻容詩嗣續橫枝吾亦是兒孫

贈寫照吳生

山須未壓稜層骨酒不能平磊嵬骨煩盡雪溪詩意思梅花蒼石一橫筇

幾人堪畫麒麟閣萬事不如鸚鵡盃只謂故吾詩

瘦耳寒沙鷗鷺莫驚猜

題刊匠圖書冊

黃金漢鼎青錯落綠玉秦璽紅屈蟠龍翔鳳翥入
刀筆寶晉山林風月寒

次韻葉宗丞湘海

雙娥灑泣凝春竹粉落脂殘不忍粧開作踈花寄
幽獨雪中仍作楚騷香

庾嶺以南非楚產離騷不載亦堪嗟行吟儻見靈
均否且與辛夷定等差

秋崖先生小藁卷之八

秋崖先生小藁卷之九

方岳 巨山

七言絕句

贈談命蘇秦

一策牛背飽看山扣角前岡煙雨寒客自縱橫三
尺紫弁吾煙雨不相干

書手實簿

隨緣常住薄於秋不了鍾魚粥飯頭歎息結繩人
遠笑例教吾負剡藤羞

部索印紙

瀑澗茶煙雪屋燈亂家更入亂雲層老僧今已倦

行脚不用維那喫飯憑
贈箕數汪生

十年不讀床頭易山雨鳴簑爲口忙行笑公魚落
吾事水田漠漠正移秧

其二

貂蟬勲業麒麟畫自有雙龍向上人數本不爲吾
輦設風煙之句水雲身

堪笑

堪笑平原血濺衣但知忠義未知機命懸鬼貌千
向事年及懸車自不歸

其二

浮

堪笑蕭生入受遺八年師傅不相知偶離廷尉痴
如昨直等朱游和藥采

其三

堪笑劉安苦學僊雲中鷄犬事茫然早知官職乃
如許悔不人間差自賢

其四

堪笑山陽漢鼎移智如文若豈難知定嫌佐命居
人後略一昌言死亦痴

其五

堪笑張華死不休謾精象數古無儔中台星折何
曾識祗識龍泉動斗牛

拆

入閩

山雲底事夜來雨，藏却奇峰不與看。
政說雨中看更好，劃然捲起出晴峦。

雪龍怒吼出山去，二十里雲行上天。
老去極知詩力退，只將日曆記山川。

遊九曲

掀蓬仰看玉崢嶸，借得漁船一日晴。
九曲水窮山雨急，老僊於我豈無情。

鶴怨空山久，勒文買船又訪武夷君。
一聲鐺笛不知處，但覺滿身生白雲。

莫問神僊定有無，地靈斷不着凡夫。
我來便覺茫茫

鞋健飛上前山不用扶

又和晦翁權歌

燒藥爐存草亦靈，煮茶竈冷水猶清。
老僊一去無消息，只有飛泉落珮聲。

桃花認得捕魚船，醉着歸來月滿川。
山鬼已磨蒼玉碧，要留名字與風煙。

家在清溪第幾峯，誰牽薜荔採芙蓉。
漁歌未斷忽歸去，翠壁一重雲一重。

群僊曾此醉酖船，插向蒼厓不記年。
蕙帳夜寒聞鶴語，人民城郭自堪憐。

宿雨留雲被半巖，晴光飄散雪毵毵。
沾衣不識骨

毛冷下有老龍無底潭

竹遶寒樓鮮徑深
莖莖手種玉成林
翠屏向晚無人對
猶識先生一寸心

又撐小艇過前灣
竹外庵居晝掩關
桃李魚言開未了
春風元自不曾開

雲氣藏山雪捲灘
地靈不异俗人看
一篙略借秋崖便
九曲欲窮山雨寒

莫說水窮山勢開
匆匆急棹酒船回
溪山欲盡興無盡
撐入白雲深處來

乘興而來亦偶然
誰將陰壑作晴川
筇輿更問星村路
去看溪南一線天

次韻方教采芹亭

手斲風煙不占多
春來物物是陽和
極知山异詩爲地
老去無詩柰若何

亭與樵嵐一樣新
詩書不受世間塵
清風明月來無盡
不在溪山只在人

竹外清溪溪外峯
誰攀薜荔采夫容
所思渺渺隔何許
我欲從之騎九龍

終日看山自一奇
寒溪更异月相宜
采芹人去夜岑寂
政是先生得意時

莫問秋風八月槎
一簑欲老水之涯
筆床茶竈肯同住
畢竟吾宗是作家

點
客懷老去向誰開白雪莖莖不用栽只有愛書餘
習在待携殘藁過溪來
嘿坐焚香儘自佳莫隨倍眼亂空花古今人物不
相及元只中間隔一些
山自西來玉作層千峰住處一溪縈宜晴宜雨乍
明滅不是老天無十成
山是烏山落一支徑煩詩眼相亭基舞雩人在春
風裏清坐不言山更奇
研朱滴露月三更見說群書作堵環君自苦於經
傳癖不如借我去看山

次韻宋尚書山居八首

日涉園

老石山苔手自治愛閑詩最昇山宜園官莫
來往破費春風又幾時

虛靜堂

鷗忘句肯早雲深料理舊花枝了無一鳥傳
幽意只對青山自解頤

息齋

塵長逐衆人忙不抵齋扉一枕涼世路巉嶇吾
倦至底須辛苦爲膏梁

見南山亭

能令詩腹化神奇香到黃花秋力微我醉悠然山

亦醉竹深啼鳥自忘機

賦梅堂

夜草春歲奏玉皇橫波曾識水曹郎硯香留得
風在一吐崔嵬冰雪腸

韓然堂

心亦元如一水淵斷無塵想到諸賢左螭不斷追
韓夢說昇青山恐未然

亦樂堂

分得山雲老一瓢夢寒不記紫宸朝無人畫出閑
中味吟入梅花雪迢迢

醉陶軒

時復中之興已高是非一付昇春醪向來醉眼略
西海粗記柴桑人姓陶

題鄭尉愛山樓

青山不入佞士眼誰肯着樓招喚渠徑草不鋤花
又老一簾新雨了殘書

三間屋身佛同住紙帳梅花煙雨寒有客肯來清
話否上樓借昇好山看

雨中

春泥得雨滑於鏡曉樹帶雲淡似圖只作尋詩看
便了梅花曾識灞橋驢

別湯卿不值

雲深只以竹爲墻新雨纔乾迳草長野鶴已隨溪
客遠一方玄玉帶詩香

將入僊都

客如我亦未爲俗着我於中何黍渠苦作春陰愁
又絕蕙花香冷雨踈踈

洞元觀

窻林綠氣冷香爨山帶斜暉半入溪幽鳥似嫌人
至數瞥然飛過隔林啼

過縉雲胡君作茶古松下叢蘭中

十丈蒼皮帶雪僵山雲歸晚泊書床不綠曾讀離
騷熟蘭亦欺人未肯香

飲茶縵花下招蔡公慶

春工管不了霓裳風自南來占取香一夜謝池晴
雪滿無人說弄蔡中郎

次韻酬清脩老

玉堂老作清脩記曾許渠爲我輩人髣髴三生虎
溪笑偶然一見面如春

過楚道人舍

紛紛倍子倍到骨對面有山那得看不料楚髯能
辨此夜深月冷石闌干
平生詩友劉賓客醉墨曾傳到雪廬煞說竹溪茅
屋好便能詩亦不如渠

次韻清脩老墨梅新茗

此詩合讓簡齋老盡洗世間聲色塵我更鑿空難
着語蹇驢粗記雪橋春

次韻宋尚書山居十五咏

駐屐亭

等得輕晴便一來逢花不住恐花猜丁寧莫掛枕
擲去怕損亭前稱意苔

金沙茶蘼徑

露浥晴光對洗粧柔條無力不成行阿環淡竚阿
嬌麗一種風流各自香

竹徑

此君老去更風猷冰雪生寒我輩流穿徑略容携
客共交情疇昔雅相投

清音亭

淨洗從前兩耳埃溪聲併逐雨聲來此竒賴有詩
能領一笑鍾期安在哉

海棠徑

酒瀉銀壺莫近傍怕驚花睡損殘粧擬題報荅春
風句也恐春風未敢當

爛柯臺

玉行敲斷欲生塵翻手那知局面新到了不妨饒
一着旁觀自有識機人

茶巖

壑底雲香不等雷便携石鼎并俱來鶉鳩喚得西
溪雨頓得春從齒頰回

見一庵

有山如此且深登等一逍遙鷄并鵬只作住庵看
便了華陽術亦不須繙

卧雲庵

半塢雲侵蘚石床向來憂樂已俱忘墻西有竹曾
留鶴夢亦相携入帝鄉

梅坡

風雪灞橋籬落間寒驢乘興寄曾攀三生習氣除

記

難盡也許渠分一半山

木瓜塢

與山作計未爲踈儘有竒功可屢書但得相尋雙
脚健不須論報計瓊瑤

見溪亭

碧壺時舁故人提山帶僧鍾日去西深不知寒雙
鷺浴雪灘煙重碎玻璃

正巳亭

少日橫刀屬兩韃王花曾幾試戎韉歸來聊復觀
仁耳不在驚鴻落勁弦

紫陽亭

隔岸煙雲一望間
夜深笙鶴身俱還
不緣曾識謫僊面
未必煙雲住此山

東齋

佳木扶疎漏曉曦
書床留得夜來雲
幽經談盡魚工課
自理東窗芝木熏

秋崖先生小藁卷之九

秋崖先生小藁卷之十

方岳

巨山

七言絕句

記客語

蒲萄斗酒自堪醉
何用苦博西涼州
使我堆錢一百屋
醉倒春風更掉頭

其二

妳婆關節入書館
政可倨坐令庭參
吾曹致身苟如此
九淵驪頷令誰探

次韻趙僉爲趙宰畫野水多於地春山半
是雲蓋宰之尊公詩也

竹屋無人肯見過寒雲自傍釣船多老僊更在雲
深處柰此春山整水何

賣花翁

不論袍紫弁鞢紅一朶千金費化工人共醉花花
亦醉莫教山圃不春風

汪聖權自開壽域作小亭其前植桂環之
謁予作扁有詩云不分桂籍一毫月在踏
槐花十八秋其志亦可悲也已爲題曰桂
穴而系之詩

老蠶作茧自纏裹不肯生前只麼休却後百年牢
記取滿身明月桂花秋

目

其二

白頭不了秋風債桂穴鋤雲種一枝舉世今迷日
五色莫教地下有人知

獨立

村夫子挾兔園冊教得黃鸝解讀書能記蒙求中
一句百般嬌姹可憐渠

從來人說天難做纔怨春陰又怨晴昨夜雷驅三
尺水更愁橋斷不通行

贈談命者趙生自號千兩金

人間萬事一盃酒之子五行千兩金聽我自窮詩
自老半江明月葦花深

至日

至日觀書不幾行
梅梢橫月欲昏黃
漢家紅影無人見
未必曾添一線長

梅花十絕

儘道春風有等差
從前謾語待詩家
今年雪屋親曾見
的當南枝先著花

日日尋梅未肯春
幾番和月倚吟身
一枝斜入叢篁裏
人不見渠渠見人

自有詩來幾許詩
玉堂吹徹又茅茨
阿誰不愛梅花句
未省梅花愛阿誰

是處溪橋淺帶流
山中別有一深幽
規模略比林

君復開上風煙頂
顛頭

自插斜枝墊角巾
詩狂又有老精神
黃昏酒醒欲歸去
月出山來喚住人

老樹生苔凍欲枯
山村雪意晚模糊
一梢橫打竹邊過
造化工成水墨圖

逋僊解道影南斜
二百年來篋以加
別有脫胎詩一句
自從梅後更無花

三分香有七分清
月冷霜寒太瘦生
山澤之儒君識否
樂天姓氏謫僊名

有梅無雪不精神
有雪無詩俗了人
薄暮詩成天又雪
身梅併作十分春

竹緣賃殖比封君
松愛微官不避秦
至竟羞爲噲
等伍歲寒誰障庾
公塵

即事

野迳孤橫雪外枝
歲寒了不受春知
世間所謂奇
男子除却梅花
更是誰

荒煙踈樹埜人家
竹外尋詩一逕斜
山鳥亦知人
意思忽翻殘雪
啄梅花

二月朔日食陰雨不見

飛飛細雨濕花朝
不省陽烏影動搖
晚色漏晴山
又紫始知陰沴已
潛消

苦雨

稼欲登場只等晴
入倉方始是收成
雨須小住爲
佳耳已約隣翁話
太平

其二

翁自無田望有秋
有秋翁自飽勦勦
此愁不遣吾
人管欲遣何人管
此愁

除夜

日月無根走彈丸
九年來年去幾椒
盤秋崖老却渾
閑事老却梅花不
耐寒

其二

莫嫌工部太侵尋
老杜稱呼直到今
我但六年難
改口不知老杜更
年深

春缸落面滑於油旋潑醅來不用筇窮鬼相隨政
相熟莫題茶壘惱渠休

其三

其四

山中寒盡不知年只道梅花欲雪中未到五更春
已動乾坤生意本無邊

其五

不是催租夜打門那知寶祐改新元人間測度春
風意李白桃紅又一番

其六

盡處生機衮衮新花情柝思已精神歲堂堂去誰

能守睡到明朝又是春

立春日雷

勝裏春從午夜回自挑生菜壓新醅阿香不解人
間事便駕雷車送雨來
出地奔霆便發聲寒花衰草亦欣榮天公只要新
羣聽不等春來蟄已驚

獨立

茅茨煙樹水溶溶籬落人家帶晚春獨立西風無
一事自撐短艇看芙蓉

悼栖雲主人

羽士岩前煙樹深亂雲堆屋自無心鶴驚蕙帳夜

岑寂霜月正寒愁不禁

秋崖先生小藁卷之十

秋崖先生小藁卷之十一

方岳

巨山

五言律體

挽曹侍郎

諸老各凋零公乎獨典刑
草堂春得句雪戶夜談
經歲月頭後白江山眼共青
斯文今已矣天亦自冥冥

一角玉麟寒何心獬豸冠滿腔秋沆瀣披腹玉琅玕
講入經三昧書成義不刊陽城遺碣在老淚不勝彈

筆素上嚴宸真為侍從臣袖中周禮在言外孔堂

春亟草閒居賦寧慙勇退人空餘文作塚書帶已成塵

我昔識平川初鳴偃室弦議題春雨夜探榜晚秋天兩桺今安在枯梅畫不傳向來詩酒地獨立意茫然

先生宰吾鄉時相期甚至秋闈徹棘步至南門橋接榜而其適黜于有司良負盛心縣有兩桺一梅特奇先生歎賞不已以爲行半天下不嘗見也今皆戕矣有懷角弓之什歎息久之

齋宿學宮

竹外一燈青殘書伴古廳葉乾聞雨急山近覺嵐腥多病身爲累無心夢亦靈明朝有癡事須到采芹亭

山居十首

我愛山居好林梢一片晴野煙禽醉語春水桺閒情蘚石隨行枕藤花醒酒羨吾詩不堪煮亦足了吾生

右二

我愛山居好紅稠處處花雲粘居士屨藤覆野人家入饌春燒筍分灯夜作茶無人共襟抱煙雨話桑麻

右二

我愛山居好開吟樹倚身田園無事日天地自由
人野竹窮三逕山苗草八珍醉歸渾不記黃犢自
知津

右三

我愛山居好林霏曉未開龍蛇松薜荔虎兕石莓
苔太古雲猶在常時雨亦來瞋巖眠處冷不記到
蓬萊

右四

我愛山居好堆厓忽坐忘草塘銀撥刺庵戶鍊琅
璫只道雲藏鳩那知市隔墻人嫌吾寂寞吾亦笑

人忙

右五

我愛山居好躋攀繚暝煙偃松低可坐橫石劣容
眠菊徑重陽酒梅花雪後天一筇吾事足與世自
無緣

右六

我愛山居好乾坤自一丘牡丹新富貴楊柳舊風
流婦喜醅新熟兒誇麥有秋人生行樂耳身外更
何求

右七

我愛山居好新篁綠上竿草蕃侵路狹地闊占雲

寬山響暮聲濕堂深樹影寒柴門底須掩非意不相干

右八

我愛山居好遙岑碧四圍雲沉平釣石草蔓亞樵扉野水喧姑惡春陰怨姊歸坐來還失笑吾道是耶非

右九

我愛山居好畦蔬手自耘鳥聲穿戶過鶴唳隔村聞石溜渾如雨溪船盡是雲煩君謝逋客不用北山文

右十

右作

小竹通幽徑半山生夕陰鳥聲花外急春意柳邊深人事雲魚定吾生日已沉不知松作麼也換去年心

送章監丞守廣信

近世無佳郡中朝有此公再三疑壞證第一是貪風野雪深耕耒春苔蝕鉅筒龔黃只如此爲問玉山翁

勇去何爲者尋盟少可人鴈聲江國曉梅蘂雪籬春同舍誰如子爲州獨有親月岩吟處碧物物是吾仁

社日次韻

社日神林鼓豐年處處祈水痕深浸穀野燒暖生
薇農務相尋急吾詩不療飢夜長閑扣角亦喜飯
牛肥

又

邂逅治顰酒春風免破除燕來雙鬢雪花覆一床
書野碓生茨草山盂飽飯蔬宰平無此手自覺老
懷紆

五月初四大水

山雲一夜雨溪漲疾於飛小市通爲壑幽居半反
扉木披龍有迹墻斷鶴魚歸書帙方狼藉誰看舊
釣磯

及

不寐

不寐何爲者幽居事更稠怯風思鶴冷聞雨爲花
愁草合妨遊屐沙崩壓釣舟春策故無恙欹枕數
更籌

其二

不寐何爲者閑人最號忙釀方傳得法詩未足成
章藥草霜多損寒蔬雨半荒幸無天下責雙高在
巖廊

次韻林同年

歲月半行李與君荆萋間十年場屋夢何日道家
山征棹江千里雩壇月一間豈無經濟意生世政

多艱

次韻話別

一雨桐江滑佳哉月一蓬歸猶慙怨鶴悔不蚤冥
鴻涉世書無用尋山酒有功諸人如見問貧耳却
非窮

程伯茂尊公挽詩

兩昏先友記猶復有斯人周易相傳授唐衫自隱
淪翳桑秋廩共結草夜臺春為酌月塘月何年琢
石麟

知瑞州羅大夫挽詩

汧俗狂瀾倒公平今獨賢折腰慙為米絕口不言

錢筆橐名臣後簞瓢素士元只消廉吏字題作墓
門鐫

用趙尉韻寄題約山樓

可人期不至樓外有佳山幾點寒林畫一簾秋水
環只煩詩五字相并月三間貴賤交情薄何妨自
往還

阻風

佳處何妨住江晴倚落暉野船穿樹過沙鳥帶雲
飛寺有唐碑古山羞漢鼎非長安多過客留墨滿
苔磯

知郡陳告院挽詩

舊隱真僊宅論詩得老干雲沉梅屋古書擁雪燈
殘一棹橫秋色九華生暮寒空餘青眼在肯作故
人看

次韻酬戴式之

山房秋蘚滑吾亦爲詩來家遠鴈初到邊寒菊未
開貧知心事古老覺鬢毛催能共清談否呼童急
洗杯

再用韻約式之

已掃秋庭月蹇驢來未來一官連我俗雙眼向誰
開書癖工爲崇詩窮不受催是中惟酒可到手莫
停杯

寄姪

爾亦爲貧驅窻間硯欲枯自從村墅別曾到陝山
無寒圃應肥菜秋霖怕損租有書供夜讀時一喚
吾雛

送呂提幹併簡謝泉

山雲一夜雨穩放過閭船坑發寧遺鑛民貧不爲
錢范碑秋寺古楚觀暮江前寄謝東山老靈砂併
欲僊

送劉子範倅宜春

一念到吾親人間萬事輕鄰州繞半刺行李只諸
生問路重陽雨迎家兩日程笑談燈火夜邊鴈自

原 子

秋聲

送應武諭倅廬陵

乞倅廬陵郡予為第一人天慳終未肯人好自相
親諸老詩書在平園草木春鷗朋嘲薄分山屐蝕
京塵

敬亭道中

小謝曾臨郡山應自識詩空餘春草夢無復敬亭
碑暝色如相覓秋雲不受吹買魚尋宿處煙水有
茅茨

宿奉聖寺下

幽事隨人撰茲行亦屢逢飯多依釣艇宿喜近僧

鍾野水連秋暝溪煙急晚春誠齋題石老細讀得
從容

舟次當塗

一似餘杭路寒洲半是蘆客依秋泊岸漁帶晚
帆遠樹齊於齊平蕪雜以鳧可憐沙上月相見又
當塗

七夕鄭文振席上姬有楚雲者為作三弄

帝子經年別秋風遠客情斷雲含宿雨古木落寒
聲河漢低逾潤江湖夜未平巫雲莫吹笛吾意正
淒清

次韻王尉

似

雪屋誰堪語惟愁鶴共居夢靈山有分門冷客無
書詩豈於人癖吾元昇世踈窮知書作崇牽率費
春鋤

寄湯卿

書冊依官屋何如自在身且無山得看猶有竹相
隣性野回書懶詩癡易藁頻便歸吾已俗往往白
鷗嗔

秋厓先生小藁卷之十一

秋崖先生小藁卷之十二

方岳

巨山

五言律體

舟次嚴陵

人語山相應舟行岸自移魚因寒越雋鷺到晚猶
飢歲盡難爲客江晴容得詩渺予煙水闊何以此
行爲

與鴈分洲宿連雲做夢清江風月事老夜雨客心
驚潮急仍吞瀨更寒不過城子陵吾所躋策外底
須名

送別史僉

二月寒如此君胡不少留夕陽隨水去春草泥人
愁江上三年別詩邊兩鬢秋折腰貧尚爾天地一
扁舟

熱甚有懷山間

終是山間別寒泉在脚邊戲魚爭美蔭啼鳥破佳
眠山寂夜如水僧間日抵年欲來來未得岸斗救
枯田

寄魯山兄

搖落山城暮行人返照邊亂蟬鳴古柳獨鶴下遙
川秋事無多日寒花又一年故應深夜雨重憶對
床眠

次韻王尉天寧晚飯

借到山房住清溪帶晚林雲應隨鶴宿詩亦對僧
吟杯滑知能雋窓深苦易陰劇知歸思浩吾亦識
琴心

煮茶

瀑近春風濕松花滿石壇不知茶鼎沸但覺雨聲
寒山好僧吟久雲深鶴睡寬詩成不須寫怕有俗
人看

猿

三峽巴江水何年離爾群艱難俱未免清切不堪
聞羈旅仍春浦愁懷况暮雲尚思靈澗冷蘿葛月

紛紛

解榻

解榻留雲宿山居事事幽長貧善道在多病此生
浮野色連溪暝蟲聲滿院秋那知一丁字蚤白十
年頭

聽雨

竹齋眠聽雨夢裏長青苔門寂山相對身間鳥不
猜客應嫌酒盡花却為詩開莫下簾尤好恐妨雲
往來

初秋

殘暑何時退秋風日夜生已嫌湘簟冷稍覺楚天

清山路晴猶濕星河夜自明時聞梧葉落一侶打
門聲

晚興

山淡長疑雨看山自撚髭暝雲延晚迳秋蔓亞踈
籬院靜涼於水人閑瘦侶詩移床眠對竹莫異俗
人知

送子用第遊學番場

頓覺溪流滑番湖草欲春船輕携硯易家近寄書
頻山雨同離別寒窻自寵珍但於燈火夜報子倚
門親

唐律十首

雲木上蒼冥行藏只草亭鴈隨秋到早山入市來
青披老餘漁具能詩例鶴形髮根風露入肺渴喜
初晴

盡日此徘徊青粘兩屨苔鳥聲穿戶去暝色過溪
來象齒剗鞭茁銀刀曾繪材空山人自老醉眼向
誰開

有客共攢眉鬢叢事可悲渡瀘諸葛表哀汴老韓
詩誰又青真鉞吾方白接離神謨自堅定豺虎莫
恫疑

松露滴深幽山寒草迳秋蔓藤行伏兔野竹上牽
牛日月雙車轂乾坤一傳郵功名成底事何苦覓

封侯

捲雨對遙岑詩寒不自禁猿猱三迳小虎豹九關
深道眼虛空界閒身自在心荷鋤今亦倦年昇病
相尋

老去脚猶輕吟邊不杖行孤亭深野色高木易秋
聲歲事終中熟山居亦太平不辭遭泥飲謹勿殺
能鳴

經月魃爲妖連宵雨侶潮山田禾側耳野漲樹平
腰古語天難做民生日不聊忍饑吾亦慣古色一
簞瓢

寂寞浙過從行山又一重煙村秋色畫茅屋夕陽

春得句多題竹觀書半倚松心閒身已老悔不早
歸農

谷口豈其鄉胡然朝市爭遠山長晚色幽鳥乍春
聲老覺人情薄閑於世累輕早紅香可飯何必又
魚羨

吾亦愛吾負樵山採墮薪百年雙短鬢九戰一閒
民秋蔓茶僧老春泓酒毋溥兩生誰可致此外不
關身

挽彭制機

場屋崢嶸氣雖平豈易干江湖雙鬢古師友一燈
寒戍柝猶傳檄漁煙自釣竿極知書有種吾道未

凋殘

山中亦云樂蔬甲手耘芟面熟鳥窺戶眼生雲穴
巖樹蟠根可坐路礙石休剗每笑陶弘景猶將隱
結銜

簡杜子昕節邠

買屋湖邊住湖光入酒卮向來多說劍老去只耽
詩時序寬衣帶年華上鬢絲肯收湖海氣了事覺
兒痴

出關

江雨正冥冥江鷗聚晚汀雲深城闕麗潮落海門
清宇宙雙蓬鬢江湖幾驛亭不須關卒邏吾亦厭

銅腥

泊歙浦

此路難為別，丹楓侶去年。人行秋色裏，鴈落客愁邊。霜月欲寒渚，江聲驚夜船。孤城吹角處，獨立渺風煙。

重陽

古岸維舟夜，蕭蕭秋葉丹。野煙連竹暗，江雨灑燈寒。亦喜重陽健，誰知行路難。吾親應念我，更把菊花看。

九日

逢人提菊賣，方醒是重陽。山曉雨初霽，江秋樹亦

涼。年華猶故我，烽火更殊鄉。有客那無酒，令人憶草堂。

秋曉登山

發興在丘林，其如老見尋。身餘持蟹手，脚負看山心。秋色蒼厓暝，曉籬黃葉深。唯應負苓者，來往古松陰。

蘭溪晚泊

岸岸蘆花白，空江多月明。一簾秋色老，千里暮雲平。寒入霜前韭，香傳雨後橙。煩詩題品看，此酒舊知名。

八詠樓

郡古低臨水城荒早閉門岸沙分路細江雨帶雲
昏山豈緣詩瘦樓應厭市誼前朝碑尚在半已蝕
苔痕

次韻趙尉

括山隨處好况復有斯人粘壁多詩藁看山少訟
塵夜寒琴伴月香冷硯生春鶴亦能留客敲門不
厭頻

次韻陳湯卿

括蒼煙雨頂客木晚噴岢家遠書難到雲深夢亦
寒僧邀携茗試客許借詩看琴冷梅花月何時爲
一彈

其二

野迳漁樵共霜寒江上村亂山橫紫翠孤笛送黃
昏滿壁題詩暗連牆貫酒渾往來今已熟稚子又
鷹門

次梁倅錄囚上饒

此老清如許寧求使節知檄分風憲重山到月巖
奇秋色深宜雨寒花併入詩聖朝本仁厚鼠輩亦
吾兒

陳帳管尊公挽詩

不獨於書癖論邊語亦奇丘園身竟老場屋出誰
知客下陳蕃榻人傳竇諫碑九華山翠外煙草正

離離

道中連雨

老屋村春急歸鴉半暝煙斷屋留宿雨野水沒春
田昨夢山須記幽情鳥不傳也知晴更好草未已
爭妍

其二

蚤晏逢人問荒村店亦稀竹輿穿雨過沙鳥帶雲
飛野渡疑魚樹春山儘有薇不緣詩是伴誰與倚
荆扉

其三

塵蝕貂裘敝吾生柰爾何雷聲春蟄怒山意暮寒

多窮不彈長鋏歸應負短策自知機事淺或可共
鷗波

次韻汪少卿贈別

一詩傳戟外春亦肯隨行老不論圭瓚寒於嚼水
晶夢驚池草合香泛墨花輕立盡沙頭月鷗清睡
不成

次韻訓其父

心事一鷗輕郵籤夜卜程春寒眼對雨別久語連
明硯有詩能秀山於夢亦清歛溪多老石一一待
題名

再用汪少卿韻

檐

畢竟春晴好楊花也送行驛程寒冉冉江樹曉晶
晶水長船能駛詩多檐轉輕江湖吾倦矣茅屋幾
時成

秋崖先生小集卷之十二



18